



Dal-1.

Broj: 01-02-1829/21  
Sarajevo, 22.12.2021. godine

**DOM NARODA PARLAMENTA FEDERACIJE BiH**  
n/r gospodina Tomislava Martinovića, predsjedavajućeg  
n/r gospodina Aljoše Čampare, potpredsjedavajućeg

**PREDMET: PRIJEDLOG ZAKONA O IZMJENAMA I DOPUNAMA ZAKONA O  
PENZIJSKOM I INVALIDSKOM OSIGURANJU – hitni postupak**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 28. redovnoj sjednici održanoj 21.12.2021. godine usvojio Prijedlog Zakona o izmjenama i dopunama Zakona o penzijskom i invalidskom osiguranju, sa tri amandmana, od kojih su dva amandmana Vlade FBiH i jedan amandman, kojeg je Vlada FBiH prihvatila, pa su amandmani postali sastavni dio Prijedloga Zakona.

**Amandmani Vlade FBiH:**

Amandman I

Član 3. i član 10. brišu se.

Amandman II

Član 6. stav (1) mijenja se i glasi:  
„U članu 79. stav (1) iza riječi „procenta porasta“ i riječi „stope rasta“, riječi „realnog bruto društvenog proizvoda“ zamjenjuju se riječima „bruto domaćeg proizvoda“.

**Amandman prihvaćen od strane Vlade FBiH**

U članu 82. iza riječi: „po međunarodnim ugovorima“ dodaju se riječi: „i Sporazumom o međusobnim pravima i obavezama u sprovođenju penzijskog i invalidskog osiguranja

(„Službene novine Federacije BiH“, broj 24/00), zaključenog između nosilaca osiguranja u entitetima BiH“.

Iza stava (1) dodaje se novi st. (2) i (3), koji glase:

„(2) Izuzetno, od stava (1) ovog člana, u slučaju da je zbirni iznos srazmjernih penzija ostvarenih u skladu sa Sporazumom iz stava (1) ovog člana manji od najnižeg iznosa penzije iz člana 81. ovog zakona, korisniku starosne, porodične, odnosno invalidske penzije pripada i razlika od zbirnog iznosa srazmjernih penzija do iznosa najniže penzije iz člana 81. ovog zakona. Pravo na isplatu razlike penzije do iznosa najniže penzije iz člana 81. ovog zakona, korisnik srazmjerne penzije ostvaruje od momenta podnošenja zahtjeva za ostvarivanje ovog prava, a u skladu sa stavom (3) ovog člana.

(3) Postupak i potrebnu dokumentaciju za ostvarivanje prava na razliku do iznosa najniže penzije iz stava (2) ovog člana uredit će nosilac osiguranja svojim aktom.“.

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službe za izradu izvornika PD
- a.a.

